

VENDIM
Nr.803, datë 21.11.2007

PËR PËRCAKTIMIN E FUNKSIONEVE KORRESPONDUESE PËR GRADAT NË
POLICINË E SHTETIT DHE EKUVALENTIMIN E TYRE¹
(Ndryshuar me VKM nr.659, datë 26.9.2012; nr.917, datë 4.10.2013; shfuqizuar me VKM nr.892, datë 21.12.2016)

(I përditësuar)

Në mbështetje të nenit 100 të Kushtetutës dhe të neneve 39 e 126 të ligjit nr.9749, datë 4.6.2007 "Për Policinë e Shtetit", me propozimin e Ministrit të Brendshëm, Këshilli i Ministrave

VENDOSI:

1. Funksionet korresponduese për çdo gradë përcaktohen në lidhjen nr. 1, bashkëlidhur këtij vendimi. Për efekt ripranimi të ish-punonjësve të Policisë së Shtetit, të cilët kanë ndërprerë marrëdhëniet e punës para hyrjes në fuqi të ligjit nr. 9749, datë 4.6.2007 "Për Policinë e Shtetit", të ndryshuar, grada policore ekuivalentohet sipas lidhjes nr. 2, bashkëlidhur këtij vendimi.

2. Shfuqizuar.

3. Punonjësi personel i policisë merr gradën, që i korrespondon funksionit që kryen, vetëm nëse në çastin e kalimit në këtë sistem gradash, ka vjetërsi shërbimi jo më pak se:

a) 1 vit e 4 muaj për gradën "Inspektor", përfshirë edhe periudhën e shkollimit policor, me përjashtim të punonjësve të policisë, që janë në periudhën e provës;

b) 2 vjet e 8 muaj për gradën "Kryeinspektor";

c) 4 vjet për gradën "Nënkomisar", përfshirë edhe periudhën e shkollimit policor. Specialistëve të lartë të policisë në detyrë, u jepet grada "Nënkomisar" edhe, nëse nga përllogaritja nuk plotësojnë vjetërsinë e shërbimit, përcaktuar në këtë shkronjë;

ç) 6 vjet për gradën "Komisar";

d) 8 vjet për gradën "Kryekomisar";

dh) 10 vjet për gradën "Drejtues";

e) 12 vjet e 8 muaj për gradën "Drejtues i parë";

ë) 15 vjet e 4 muaj për gradën "Zëvendësdyrëtor i Përgjithshëm".

3.1 Pas kalimit në sistemin e ri të gradave, ngritja në gradë bëhet sipas afateve dhe kritereve të përcaktuara në nenin 41 të ligjit nr.9749, datë 4.6.2007 "Për Policinë e Shtetit".

3.2 Shtetasve, që kanë përfunduar arsimin e lartë policor në Republikën e Shqipërisë apo Akademinë e Shkencave të Sigurisë, në Ankara, Turqi, në momentin e caktimit në detyrë t'u jepet grada nënkomisar.

3.3 Në rastet kur konstatohet dhënia e gradës në kundërshtim me kriteret dhe procedurat ligjore, të parashikuara në momentin e dhënies së tyre, të anulohen këto akte dhe të jepet grada sipas kritereve dhe procedurave ligjore të kohës, kur ka lindur e drejta e përfitimit.

4. Ministri i Brendshëm merr masa për përfundimin e procesit të kalimit në sistemin e ri të gradave, sipas përcaktimeve të bëra në nenin 126 të ligjit nr.9749, datë 4.6.2007 "Për Policinë e Shtetit" dhe në këtë vendim, brenda 6 muajve nga hyrja në fuqi e këtij vendimi.

5. Zbatimi i këtij vendimi nuk passjell efekte financiare në Buxhetin e Shtetit.

6. Vendimi nr.64, datë 2.2.2001 i Këshillit të Ministrave "Për inkuadrimin e gradave ushtarake, në gradat e Policisë së Shtetit, dhe për përcaktimin e funksioneve, që do të ushtrohen sipas tyre", të ndryshuar, nuk zbatohet për punonjësit e Policisë së Shtetit.

7. Ngarkohet Ministria e Brendshme për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

¹ VKM nr. 803, datë 21.11.2007 është botuar në Fletoren Zyrtare nr.167, 11 dhjetor 2007.
VKM nr. nr.659, datë 26.9.2012 është botuar në Fletoren Zyrtare nr. 141, 1 nëntor 2012.
VKM nr. 917, datë 4.10.2013 është botuar në Fletoren Zyrtare nr. 165, 17 tetor 2013.
VKM nr.892, datë 21.12.2016 është botuar në Fletoren Zyrtare nr.254, 30 dhjetor 2016.

Lidhje nr. 1

TABELA E FUNKSIONEVE KORRESPONDUESE PËR ÇDO GRADË

GRADA	FUNKSIONET
Drejtor i Përgjithshëm	Drejtor i Përgjithshëm i Policisë së Shtetit.
Zëvendësdrejtor i Përgjithshëm	Zëvendësdrejtor i Përgjithshëm i Policisë, Drejtor i Byrosë Kombëtare të Hetimit.
Drejtes i Parë/Drejtues	Drejtor në D.P.P.SH, D.P.Q, Drejtor i Qendrës së Formimit Policor, Shef i asistent sekretariatit të Drejtorit të Përgjithshëm, Asistent i Drejtorit të Përgjithshëm, Shef sektori, Specialist koordinator inspektimi dhe Specialist koordinator për analizën e studimet strategjike, Specialist në seksionin e menaxhimit të nivelit të mesën e lartë drejtues dhe Specialist në sektorin e programeve mësimore në Qendrën e Formimit Policor.
Drejtues/Kryekomisar	Shef sektori në D.P.P.SH, Shef sektori në departamentet e D.P.P.SH, Shef sektori në drejtoritë qendrore të Policisë së Shtetit, Shef sektori në Qendrën e Formimit Policor, Shef komisarati special R.E.N.E.A, Zëvendësdrejtor në D.P.Q, Drejtor i D.R.K&M, Specialist, Asistent (sekretariat) pranë Zëvendësdrejtorit të Përgjithshëm të Policisë dhe Drejtorit të Byrosë Kombëtare të Hetimit, Specialist, Oficer kontakti, Ndërlidhës, Specialist koordinator në D.P.P.SH.
Kryekomisar/Komisar	Specialist në D.P.P.SH, Shef sektori në D.P.Q, Shef sektori në DRK&M, Shef komisarati policie, Shef komisarati K&M, Shef seksioni në Qendrën e Formimit Policor, Shef komisarati special R.E.S.I, dhe ndërhyrjes së shpejtë, Shef komisarati i helikopterëve, Shef në strukturat autonome të Policisë së Shtetit, Specialist në seksionin e menaxhimit nivelit të parë drejtues në Qendrën e Formimit Policor, Shef i njësisë së antieksplzivave, Shef i njësisë së negociatorëve, Shef i Qendrës së Forcës së Posaçme Operacionale, Shef sektori në komisaratin special "R.E.N.E.A".
Komisar/Nënkomisar	Specialist në Qendrën e Formimit Policor, Shef seksioni në D.P.Q, Shef seksioni në DRK&M, Shef seksioni në komisaritet e policisë, Shef seksioni në komisaritet K&M, Shef stacioni i K&M, Shef seksioni në strukturat autonome në varësi të D.P.P.Sh, Shef i planifikimit/koordinimit operacional në repartet speciale dhe ndërhyrjes së shpejtë, Shef i fluturimeve, Komandant ekuipazhi, Pilot, Inxhinier e Teknik AS-350, Teknik bordi fluturues mi-8, Teknik mi-8, Specialist në Qendrën e Formimit Policor, Shef seksioni në strukturat autonome D.P.P.Sh, Zëvendëshef njësie i forcës së posaçme operacionale, Shef stacioni policie me efektiv mbi 10 punonjës policie.
Nënkomisar	Specialist në DPQ, Specialist në DRK&M, Shef stacioni policie me efektiv nën 10 punonjës policie, Specialist në komisarite e stacione policie, Specialist në komisarite e stacione policie të K&M, Specialist në strukturat autonome në varësi të D.P.P.Sh, Komandant grupi në repartet speciale dhe ndërhyrjes së shpejtë dhe ato autonome, Përgjegjës turni në stacionet e policisë K&M.

Kryeinspektor/Inspektor	Ndihmës specialist në strukturat e hetimit të krimeve, të policisë shkencore, të policisë së rendit, të sallave operative të drejtimit dhe koordinimit, ndihmës specialist në policinë K&M, në forcat speciale, përgjegjës grupi, komandant skuadre.
Inspektor	Funksione të nivelit zbatues në strukturat administrative mbështetëse, trupë shërbimi në të gjitha strukturat e policisë (përfshirë trupat në repartet speciale), në patrullat e përgjithshme të policisë, trupë shërbimi në forcat e ndërhyrjes së shpejtë.
Nëninspektor	Punonjës policie në periudhën 2-vjeçare të provës.

Shpjeguese:

Shkurtime të përdorura në tabelën e mësipërme, kanë kuptimet si më poshtë:

DPPSh	Drejtoria e Përgjithshme e Policisë së Shtetit
DPQ	Drejtoria e Policisë në Qarqe
DRK&M	Drejtoria Rajonale e Kufirit & Migracionit

TABELA E KUIVALENTUESE E GRADAVE NE POLICINE E SHETIT

Nr.	Emërtimet e gradave të marra sipas ligjit nr.7750, datë 13.9.1993, "Për gradat në Forcat e Armatosura të RSH", dhe vjetërsia e shërbimit për inkuadrimin në gradat e përcaktuara sipas ligjit nr.8643, datë 20.7.2000, "Për gradat në Policinë e Shtetit"	Emërtimet e gradave të marra sipas ligjit nr.8643, datë 20.7.2000, "Për gradat në Policinë e Shtetit", (Grada ekuivalente)	Emërtimet e gradave të marra sipas ligjit nr.9749, datë 4.6.2007, "Për Policinë e Shtetit"
1.	Kolonel Vjetërsi shërbimi jo më pak se 18 vjet.	Drejtes i parë (Grada ekuivalente)	Drejtor i Përgjithshëm (Grada ekuivalente)
2.	Kolonel Vjetërsi shërbimi nga 16 deri në 18 vjet.	Drejtes	Zv/Drejtor i Përgjithshëm
3.	Kolonel ose Nënkolonel Vjetërsi shërbimi nga 14 deri në 16 vjet.	Kryekomisar	Drejtes i parë
4.	Major, Nënkolonel ose Kolonel Vjetërsi shërbimi nga 10 deri në 14 vjet	Komisar	Drejtes i parë
5.	Kapiten, Kapiten i parë ose Major Vjetërsi shërbimi nga 8 deri në 10 vjet	Nënkomisar	Drejtes
6.	Toger, Kapiten ose Kapiten i parë Vjetërsi shërbimi nga 4 deri në 8 vjet.	Kryeinspektor	Kryekomisar
7.	Nëntoger, Toger ose Kapiten Vjetërsi shërbimi nga 2 deri në 4 vjet.	Inspektor	Komisar
8.	Nëntoger ose Toger Vjetërsi shërbimi jo më shumë se 2 vjet	Nëninspektor	Nënkomisar
9.	Kapter II (polic II) ose Kapter 1 (polic I) Vjetërsi shërbimi më shumë se 15 vjet.	Kryeasistent	Kryeinspektor
10.	Kapter III (polic III), Kapter II (polic II) ose Kapter I (polic I) Vjetërsi shërbimi nga 7 deri në 15 vjet.	Asistent i parë	Kryeinspektor
11.	Kapter IV (polic IV), Kapter III (polic III) ose Kapter II (polic II) Vjetërsi shërbimi nga 4 deri në 7 vjet.	Asistent	Kryeinspektor
12.	"Kapter" (polic), Kapter IV (polic IV) ose Kapter III (polic III) Vjetërsi shërbimi nga 2 deri në 4 vjet	Agent i parë	Inspektor
13.	"Kapter" (polic) apo Kapter IV (polic IV) Vjetërsi shërbimi jo më shumë se 2 vjet.	Agent	Inspektor